

Sarajevo, 22.04.2008. godine
Broj: 156/08

ZAPISNIK I ZAKLJUČCI
SA OSME (TEMATSKJE) SJEDNICE PREDSDJEDNIŠTVA
SAVEZA OPĆINA I GRADOVA F BiH

U Općini Centar Sarajevo je dana **22.04.2008.** godine održana **Osm (tematska) sjednica Predsjedništva Saveza općina i gradova Federacije Bosne i Hercegovine** (u daljem tekstu: Savez).

Sjednici Predsjedništva Saveza prisustvovalo je **10** članova, i to:

1. **Hasan Ajkunić**, načelnik općine Bugojno, zamjenik predsjednika Predsjedništva,
2. **Rasim Omerović**, načelnik općine Kalesija,
3. **Hajrudin Katardžić**, sekretar općine Zavidovići,
4. **Ivan Krstanović**, tajnik općine Tomislavgrad,
5. **Velida Memić**, šef stručne službe O.V. i O.N. općine Ilidža,
6. **Vlado Alilović**, načelnik općine Vitez,
7. **Jasmin Emrić**, načelnik općine Bužim,
8. **Dragana Solaković**, stručni savjetnik, Grad Sarajevo,
9. **Predrag Šupljeglav**, pomoćnik Gradonačelnika, Grad Mostar,
10. **Rizama Tukulj**, rukovodilac službe općine Orašje.

S obzirom na činjenicu da je ovo tematska sjednica Predsjedništva Skupštine Saveza i da je poziv upućen svim članicama Saveza, pored gore navedenih, sjednici su prisustvovali predstavnici slijedećih općina: Glamoč, Cazin, Gradačac, Kiseljak, Gornji Vakuf - Uskoplje, Olovo, Drvar, Vareš, Velika Kladuša, Ključ, Prozor – Rama, Fojnica, Bosanska Krupa, Tešanj, Živinice, Sapna, Stari Grad Sarajevo, Sanski Most, Doboj Istok, Dobretići, Novi Travnik, Novi Grad Sarajevo, Hadžići, Travnik, Zenica, Kakanj, Busovača, Vogošća, Usora i Livno. Sjednici je prisustvovao i predstavnik GAP – Projekta upravne odgovornosti.

Sjednici su prisustvovali i članovi Radne grupe koja je izradila tekst Zakona o statusu zaposlenika jedinica lokalne samouprave i to: Selver Keleštura – Općina Zenica, Predrag Šupljeglav – Grad Mostar, Hajrudin Katardžić – Općina Zavidovići, Ivan Krstanović – Općina Tomislavgrad i Hamdija Ljubijankić – Općina Cazin.

G-đa Vesna Travljanin, Sekretar Saveza, pozdravlja prisutne i konstatuje da je sjednici prisutno 10 od 13 članova sa pravom glasa, te da se mogu donositi pravosnažne odluke. U uvodnom govoru, g-đa Travljanin zahvaljuje svim prisutnim što su se odazvali pozivu da prisustvuju tematskoj sjednici Predsjedništva Skupštine Saveza na kojoj će se prezentirati dva zakona koja su od izuzetnog značaja za jedinice lokalne samouprave.

G-din Željko Varunek, Sekretar Općine Centar Sarajevo u ime domaćina pozdravlja sveprisutne.

G-đa Travljanin stavlja na razmatranje i glasanje predloženi Dnevni red:

1. Prednacrt Zakona o statusu zaposlenika jedinica lokalne samouprave

2. Prednacrt zakona o izmjenama i dopunama Zakona o organizaciji organa uprave u Federaciji Bosne i Hercegovine
3. Prijedlog zakona o izmjenama i dopunama Zakona o principima lokalne samouprave, predlagač: Klub poslanika Stranke za BiH
4. Tekuća pitanja

Dnevni red je jednoglasno usvojen.

Prelazi se na pojedinačno razmatranje tačaka usvojenog Dnevnog reda.

1. Prednacrt Zakona o statusu zaposlenika jedinica lokalne samouprave

G-din Selver Keleštura, predsjednik Radne grupe prezentira tekst Zakona koji je pripremila Radna grupa Saveza prema smjernicama Predsjedništva Skupštine Saveza.

G-đa Travljanin otvara raspravu.

G-din Hasan Muratović, načelnik Općine Živinice, ističe da je koncept Zakona dobar. Sugerirše da se u članu 33. doda da se protiv lica ne vodi krivični postupak. Predlaže da se u članu 63. navede da se disciplinski postupak završi na nivou općine u što kraćim rokovima.

G-din Jasmin Emrić, načelnik Općine Bužim, primjećuje da u tekstu Zakona nije obrađen «volonterski rad», a smatra da ima potrebe za tim. Informiše prisutne o održanom sastanku delegacije Saveza sa federalnim ministrom pravde.

G-din Hamdija Grošić, načelnik Općine Bosanska Krupa, predlaže da se u članu 41. ugrade stimulativne mjere jer smatra da će svima dobro doći.

Nakon diskusije, jednoglasno je usvojen slijedeći

Z A K L J U Č A K

Utvrđuje se Nacrt Zakona o statusu zaposlenika jedinica lokalne samourpave. Zadužuje se Stručna služba Saveza da svim članicama uputi tekst Zakona u javnu raspravu radi dostavljanja primjedbi, komentara i sugestija u pisanoj formi. Rok za dostavljanje primjedbi, komentara i sugestija je 15.05.2008. godine.

2. Prednacrt zakona o izmjenama i dopunama Zakona o organizaciji organa uprave u Federaciji Bosne i Hercegovine

G-din Selver Keleštura, prezentira tekst Zakona.

G-đa Travljanin otvara raspravu.

G-din Bajazid Hadžić, načelnik Općine Ključ, smatra da treba precizirati poziciju načelnika.

G-din Jozo Vukoja, načelnik Općine Prozor-Rama, ističe da Agencija ne može rukovoditi lokalnim zajednicama i ukazuje na problem u biranju i radu općinskih vijećnika.

Nakon diskusije, jednoglasno je usvojen slijedeći

ZAKLJUČAK

Utvrđuje se Nacrt Zakona o izmjenama i dopunama zakona o organizaciji organa uprave u Federaciji Bosne i Hercegovine. Zadužuje se Stručna služba Saveza da svim članicama uputi tekst Zakona u javnu raspravu radi dostavljanja primjedbi, komentara i sugestija u pisanoj formi. Rok za dostavljanje primjedbi, komentara i sugestija je 15.05.2008. godine.

3. Prijedlog zakona o izmjenama i dopunama Zakona o principima lokalne samouprave, predlagač: Klub poslanika Stranke za BiH

G-đa Travljanin obavještava prisutne da će se na slijedećoj sjednici Predstavničkog doma Parlamenta Federacije BiH na dnevnom redu naći Prijedlog zakona o izmjenama i dopunama Zakona o principima lokalne samouprave, te čita predloženi amandman. Predlagač je Klub poslanika Stranke za BiH.

G-din Selver Keleštura navodi da ne postoji pravni osnov za obavezivanje općina, odnosno nametanje obaveza bez prenosa finansijskih sredstava.

Nakon diskusije, jednoglasno je usvojen slijedeći

ZAKLJUČAK

Ne postoji pravni osnov za amandman Stranke za BiH, odnosno Prijedlog zakona o izmjenama i dopunama Zakona o principima lokalne samouprave. Zadužuje se Stručna služba Saveza da uputi argumentovani dopis prema Parlamentu Federacije BiH.

Nakon što su sve tačke Dnevnog reda razmatrane i zaključene, sjednica Predsjedništva okončana je u 14:00 sati.

Predsjednik Predsjedništva Skupštine
Ljubo Bešlić, s.r.
